

畿輔安瀾志

府河一卷

原委

故道

附載

隄防

橋渡

祠廟

水利

畿輔安瀾志

臣
王履泰恭纂

府河一卷

原委

府河古沈水也本名清苑河亦曰沈苑泊又曰雞距河
舊與徐水合流今徐水久已斷流矣明洪武初改保定
路爲保定府或以河經府治故名蓋俗稱也源出府西
北三十里滿城縣

漢北平縣地

雞距泉

〔水經〕注瀛水篇徐水又東逕清苑城又東南與沈水

出蒲西俗謂之泉頭水也地理志曰北平縣有沈水

東入河卽是水也

謹案漢志無沈水

太平寰宇記沈水出

清苑縣北清苑縣本樂鄉縣也隋開皇十六年改爲

清苑縣因清苑河爲名胡三省通鑑注隋改爲清

苑縣因滿城縣界清苑河爲名宋史河渠志緣邊

塘灤起安肅廣信軍南至保州西北蓄沈河爲塘橫

廣三十里縱十里深至五尺淺三尺曰沈苑泊方

輿紀要清苑河源出府西三十里雞距泉泉水噴流

狀如雞距

謹案泉在滿城縣東十五里一畝泉西南二里平地湧出有穴數孔形如雞距故名

謹案徐河一名順水

水經注順水蓋徐水之別名也

源出易州西南

一百二十里之五迴山

水經注徐水出西北廣昌縣東南大嶺下世謂之廣昌嶺

嶺高四十餘里二十里中委折五迴方得達其上嶺故嶺有五迴之名

元和郡縣志五迴嶺在蒲城縣

西北五十里

東南流曲折三十里逕高家臺白水泉入焉

水在易州之西山去州一百餘里五迴山南十餘里東南流十里入焉

又東南二十里

逕馮家莊三岔口河入焉

在易州西南一百二十里東南流十里逕于可井張

官舖馮家莊凡十里入焉

又屈曲東南二十六里逕郎山南

水經注徐

水東北屈逕郎山又屈逕其山南山在易州西南四十里

易州志在州西南九十里

又東南流十里折而南流四里逕石門山飛流直下

又名雷溪

永經注徐水又東南歷石門中世俗謂之龍門也其山上合下開開處高六丈飛水

歷其間湍盪之音奇為壯猛又屈而東

明統志雷溪在易州西發源五迴嶺即徐河上流

流六里又曲折東南十六里入滿城縣西北之神星

村

明史地理志徐河在滿城縣北十里

老龍潭水自

易州西南之北趙莊東南流入焉

在易州西南八十里源出北趙莊之

西山曰老龍泉東流二十二里入滿城縣西北境神星村又東南流八里入焉是河曰三岔口河不見志乘

或以老龍潭河即今曹河上源非也又東南流十里逕大册村又名大

册河

方輿紀要徐河經滿城縣北名亦名要莊河舊

大册河亦又東南流五里逕眺山北統志在滿城縣北三里又

日要莊河

東南流三十里逕南韓營入安肅縣西南境下流斷

不可識

謹案徐河舊自易州逕滿城清苑安州安肅高陽諸縣水經注謂徐水出廣昌嶺今易州

境也明史地理志謂徐水在安肅縣南四十里與清苑縣接界上有徐河橋縣南二十五里又有曹水流逕北新城入於徐河又云安肅縣易水在北曹河在南徐河在西西北又有鮑水漢書地理志北平縣徐水東至高陽入博宋史河渠志太平興國六年遣入作使郝守濬於清苑界開徐河雞距河五十里入白河景德元年前息輓舟之役范成大北使錄徐河在水入雞距泉以息輓舟之役范成大北使錄徐河在清苑北十里今人謂之饋糧河今其河自滿城而北者上流如故自滿城而南者下流久斷明統志徐水經滿城縣為大冊河至安肅為徐河今大冊河至安肅為曹河而徐河則但有徐河橋在清苑縣北十五里當卽北使錄所謂饋糧河也攷徐河橋下河槽甚深河之上下皆成平地其乾河一道南注保定府治

護城河者乾隆十一年開濬疑是徐河分支而府治東之國公營開板口二村皆有橋又府東七里梁家村有橋屹立平田中曰高虹橋又有古隄曰木家隄此皆徐河故瀆蓋自徐河橋南流轉東匯曹河以入府河者也水經注又謂徐水東流轉北逕北平縣東逕蒲城北又東逕清苑城與沈水合此其故道今皆不可考而漢書地理志宋史河渠志所云者亦不可復識矣然水經注既云與沈水合則府河當即徐水故水經注謂曹水東入徐水也畿輔地圖記亦謂徐河過清苑折東與曹河一畝泉方順河合流達安州爲依城河至新安合雹水爲長流河考府河之名不見載記本是徐水合沈水而成今徐水斷流獨有沈水故河流日衰若求故瀆而開濬之以存其舊一可以洩清苑縣境內諸山之水淫潦不憂漫溢一可以暢府河之流使天津鹽艘南來又案魏書地形志高估船皆得往來無滯亦一利也

陽郡清苑高祖太和元年分新城置則是魏已名清

苑縣矣酈道元故有逕清苑城之文方輿紀要清苑本漢樊輿縣地後魏復置扶輿尋析置永甯北齊以樂鄉縣省入因改樂鄉隋開皇又改清苑考地形志扶輿樂鄉永甯並無分析之文與清苑並繫高陽郡下則當日之清苑卽爲漢之北新城也與扶輿樂鄉永甯自爲一縣劉昫謂清苑本漢故樂鄉縣與寰宇記胡三省註皆爲疎也是水旣名清苑河水經註已有經清苑城之文不可不辨也

又案一統志謂清苑河卽古盧水盧水卽沈水引漢

書地理志北平縣有盧水至高陽入河爲證而水經
注以地理志盧水出北平疑爲疏闊謂在盧奴縣城
而於徐水引地理志則云北平縣有沈水不言盧水
豈因疑志爲疎而遂改盧水爲沈水耶抑別有所據
或地理志文本係二水並存今本有脫文耶一統志
因漢志北平下但有盧水無沈水因以盧水爲卽沈
水以調和之今姑從水經注文盧水詳唐河篇
東南流二里滙一畝泉渝河之伏流所出也

宋史河渠志自保州西合雞距泉尙泉爲稻田方田

衡廣十里深五尺至三尺曰西塘泊 〔舊滿城縣志〕

在縣東十五里泉水湧出其闊一畝名一畝泉一名
尚泉 〔畿輔通志〕 渝河發源易州嶺流逕縣西北伏
流幾三十里出爲一畝泉書曰水在地中流曰渝

〔滿城縣志〕其下流逕尉公山又名尉公河

〔謹案〕宋史旣以沈河爲沈苑泊又有自保州西合雞
距泉之文則似沈水非源於雞距也而志於河北諸
水則云又於清苑東開徐河雞距河入白河又云引
保州趙彬堰徐河入雞距泉以息挽舟之役則直以

雞距泉與徐河並言不言沈河可知雞距卽沈河志
於緣邊塘灤特據其所起而云自保州合雞距泉非
必指沈水合之也 又案漢書地理志有渝河遼西
水也此渝河不知所始亦不見他書今滿城縣西北
微有河形通志所謂發源易州嶺不言何嶺未詳其
地又水在地中流曰渝亦未詳何書尉公山在滿城
縣南非渝河所逕縣志亦不確姑存之以俟參考
又東南流十里逕北奇村南奇村是爲奇村河則由泉
紅花泉連寶泉五花泉諸水入焉

畿輔通志奇村河在滿城縣東卽一畝雞距合流處
清苑河上流也

〔謹案〕申泉在一畝泉南八里乾隆十七年濬與紅花
泉連寶泉五花泉皆在一畝泉東南皆渝河伏流湧
穴而出者也其餘水泉尙多皆無名皆合申泉入於
奇村河泉名爲申以歲在壬申也 總督方觀承申
泉記畧滿城縣屬保定郡治之西渝河之流自西來
者至邑而湫湫而後出播爲泉曰一畝曰雞距合而
東南流爲奇村又東入清苑境爲府河奇村河旣首

受二泉水顧泉之少微則下流之輸瀉益薄農作灌
漑無所資卽自府河以東曰規堰潴而舟楫往來益
梗隘不可遽達故泉之衰旺其跡著於滿而利所由
興弊所由伏不盡繫乎滿也歲壬申吏有來告邑之
東得泉焉棄於葭薶者舊矣所司具畚鍤召丁役漱
之滌之源茁而深流疏而清視一畝所鍾大倍十計
而泉之左右復有諸小泉舊闕而今湮者曰五花曰
連寶曰紅花皆次第以修復告乃引之爲河長一百
七十丈則醴爲渠渠受小泉水率一二百丈凡河爲

經凡渠爲緯咸注而入於奇村河河之上舊有閘曰嚮水醜凡新泉及諸小泉來入之者至是畢會工旣竣爰伐石以紀之泉故無名余名之曰申

又東南流五里入清苑縣西北境又東流十七里逕保定府城西其別支環城爲濠爲護城河則徐河溝水蓮花池水入之

明統志清苑河在城西二里自雞距泉至此下流遶城南北至東合流 方輿紀要雞距泉至此分流遶城南北

〔謹案〕護城河環城凡十三里東歸府河徐河溝在保定府治北首起安肅縣南三十五里之徐河橋自橋而南至清苑縣北五里之廣濟橋河形漸成不可尋求自此而南始有河形悉成乾溝北行五里逕保定府城北關外入于護城河蓮花池在府城內府治前明統志雞距與一畝泉合流由城外濠出爲減水口元張柔又作新渠鑿西城以入水

元史張柔傳移鎮保州引泉入城疏

溝以瀉卑濕

循市東行轉北別爲東流垂及城東又折而

西雙流交貫由北水門而出今蓮花池爲蓮池書院

擅亭館之勝其水自城西濠小閘引沈水入西水門東流入城中匯爲池又東流循市而南由南水門出注府河其北流久湮惟府治北至於北水門河形猶有存者而所云別爲東流垂及東流又折而西之舊跡不可復識矣

折而南逕郡城西南隅則有方順橋河匯諸水支分爲白草溝河金線河石橋河合流入之匯爲黃狗窪

〔謹案〕方順河其上源曲逆河也今則爲廣利渠

見唐河篇

在滿城縣五十里

方輿紀要在滿城縣南五十里其源卽完縣之祁水也東流入縣